

וישבע ימים ויקברו אתו עשו ויעקב בניו:
 לו^א ואלה תלדות עשו הוא אדום:
 ב עשו לקח את-נשיו מבנות כנען את-עדה בת-אילון החתמי ואת-אהליבמה בת-ענה בת-צבעון החוי: ואת-בשמת בת-ישמעאל אחות נביות: ותלד עדה לעשו את-אליפז ובשמת ילדה את-רעואל: ואהליבמה ילדה את-יעיש ואת-יעלם ואת-קרח אלה בני עשו אשר ילדו-לו בארץ כנען: ויקח עשו את-נשיו ואת-בניו ואת-בנותיו ואת-כל-נפשות ביתו ואת-מקנהו ואת-כל-בהמתו ואת-כל-קנינו אשר רכש בארץ כנען וילך אל-ארץ מפני יעקב אחיו: כי-היה רכושם רב משבת יחדו ולא יכלה ארץ מגוריהם לשאת אתם מפני מקניהם: וישב עשו בהר שעיר עשו הוא אדום: ואלה תלדות עשו אבי אדום בהר שעיר: אלה שמות בני-עשו אליפז בן-עדה אשת עשו רעואל בן-בשמת אשת עשו: ויהיו בני אליפז תימן אומר

יב צפו וגעתם וקנז: ותמנע | היתה פילגש לאליפז בן-עשו ותלד לאליפז את-עמלק אלה בני עדה אשת עשו: ואלה בני רעואל נחת וזרח שמה ומזה אלה היו בני בשמת אשת עשו: ואלה היו בני אהליבמה בת-ענה בת-צבעון אשת עשו ותלד לעשו את-יעיש ואת-יעלם ואת-קרח: אלה אלופי בני-עשו בני אליפז בכור עשו אלוף תימן אלוף אומר אלוף צפו אלוף קנז: אלוף-קרח אלוף געתם אלוף עמלק אלה אלופי אליפז בארץ אדום אלה בני עדה: ואלה בני רעואל בן-עשו אלוף נחת אלוף זרח אלוף שמה אלוף מזה אלה אלופי רעואל בארץ אדום אלה בני עשו: ואלה בני אשת עשו יעיש ואלוף קרח אלוף יעיש ואלוף קרח אהליבמה בת-ענה אשת עשו: אלה בני-עשו ואלה אלופיהם הוא אדום:
 שביעי כ אלה בני-שעיר החרי ושבני הארץ לוטן ושובל וצבעון וענה: ודשון ואצר ודישן אלה אלופי החרי בני

כב שעיר בארץ אדום: ויהיו בני-לוטן חרי והימם ואחות לוטן כג תמנע: ואלה בני שובל עלון ומנחת ועיבל שפו ואונם:
 כד ואלה בני-צבעון ואיה וענה הוא ענה אשר מצא את-הימם במדבר ברעתו את-החמרים לצבעון אביו: ואלה בני-ענה דשן ואהליבמה בת-ענה:
 ט ואלה בני דישן חמדן ואשבן כו ויתרן וכרן: אלה בני-אצר כח בלהן וזעון ועקן: אלה בני-דישן עויץ וארן: אלה אלופי החרי אלוף לוטן אלוף שובל ל אלוף צבעון אלוף ענה: אלוף דשן אלוף אצר אלוף דישן אלה אלופי החרי לאלפיהם בארץ שעיר:
 לא ואלה המלכים אשר מלכו בארץ אדום לפני מלך-מלך לב בני ישראל: וימלך באדום בלע בן-בעור ושם עירו דנהבה: וימת בלע וימלך תחתיו יובב בן-זרח מבצרה:
 לד וימת יובב וימלך תחתיו חשם לה מארץ התימני: וימת חשם וימלך תחתיו הדר בן-בדר המכה את-מדין בשדה לו מואב ושם עירו עוית: וימת